

1. Meth. 6.

De Arte  
num. 76.2. de Elem.  
8.4. Meteor.  
10.

laria esse dicit, quæ undiquaque in similes particulas diuidantur, veluti in oculo vitreus humor & crystallinus, & tunicarum propria cuiusq; substantia. Hippocrates ἀσύμφυτα nuncupat dissimilaria: quod cum ex dissimilibus inter se connexis prodierint, non σύμφυτον obtineant, sed solam συμβολήν. Ex harum definitionum sententia, quæ nos superius visi sumus, Galeni aliorumque decretis persuasi dissimilium ordini adscripsisse, similium partium esse, cognoscuntur: quandoquidem acetum, æris squama, lac, rosarum succus, in partes diuiduntur undiquaque similes. Ut clariùs appareat argumenti vis, Galenus similaria vocat simplicissima sensibilia elementa, hominis corpus constituentia, carnem, membranas, fibras, adipem, ossa, cartilagineas, ligamenta, neruos, medullam, & alia vniuersa, quorum particulae eiusdem sunt cum toto & inter se speciei. Aristoteles eadem dicit, illisque metallica annumerat, aurum, argentum, æs, stannum, ferrum, lapides, & cætera id genus, quæque per secretionem ex hisce fiunt omnia. Inter dissimilaria verò, præter

ca,